



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente
XI. editas

Luxemburgi, 1739

LXXXI. Dismembratio Provinciarum a Diœcef. Pekinen. & Nankinen. pro
Vicariis Apost.

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

Serenissimi Regis Magnae Britanniae subiectas. Quem favorem &c. Quam Deus &c. Sacra Congregatio re mature perpensa, & audito etiam Patre Claudio Estien.; & Procuratore Monachorum Congregationis Anglicanae Sancti Benedicti decrevit, ut infra - Quo ad primum - Per deputationem Vicariorum Apostolicorum factam in Regno Angliae a sa. me. Innocentii XI, cessasse, & cessare quancumque Jurisdictionem Capitulorum; seu Vicariorum Capitularium, tam Secularium, quam Regularium omnium Ecclesiarum ejusdem Regni, & signanter earum, quae Monachis Congregationis Anglicanae Ordinis Sancti Benedicti vigore Bullae sa. me. Urbani VIII. quae incipit, *Plantata*, seu quarumlibet aliarum Litterarum Apostolicarum, aut alias quomodolibet competere posset, durante tamen deputatione eorumdem, seu aliorum similium Vicariorum, ab Apostolica Sede quandocumque deputandorum, & non alias.

Decretum I. pro Vicariis Apostolicis.

Item Decretum alterum.

Approbatio Pontificis.

Preces Vicariorum Apostolicorum.

Confirmatio relatorum Decretorum.

Clausula.

§. 1. Quo ad secundum vero censuit - Regulares quoscumque, etiam Societatis Jesu, & Congregationis Anglicanae praefatae tam circa approbationem ad Confessiones audiendas, quam circa concurrentia curam animarum, & Sacramentorum administrationem, aliaque munia Parochialia, esse subiectos Vicariis Apostolicis, in quorum districtibus eos respective commorari contigerit. Non obstantibus quo ad praemissa quibuscumque Regularium Ordinum Privilegiis, & praesertim ante dicta Bulla sa. mem. Urbani VIII. illis alias in suo robore permansuris, necnon firmis remanentibus, quo ad reliqua omnibus, & singulis privilegiis, praerogativis, & aliisque Juribus dictis Monachis Congregationis Anglicanae quomodolibet competentibus &c. Datum Romae die, & anno quibus supra - Quae quidem Decreta eadem die Sanctissimo Domino Nostro per me Secretarium infra scriptum integre relata, Sanctitas Sua benigne laudavit, & approbavit, mandavitque ab omnibus, ad quos pertinet, inviolabiliter observari - C. A. Fabronus Secretarius.

§. 2. Cum autem sicut Vicarii Apostolici praedicti Nobis nuper exponi fecerunt, ipsi Decreta hujusmodi, quo firmiter subsistant, & serventur exactius, Apostolica confirmationis nostrae patrocinio communiti plurimum desiderent. Nos specialem ipsis exponentibus gratiam facere volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a Jure, vel ab homine quavis occasione vel causa latis, si quibus quomodolibet innodatae existunt, ad effectum praesentium dumtaxat consequendum harum serie absolventes, & absolutas fore censentes, supplicationibus eorum nomine Nobis, super hoc humiliter porrectis inclinati, Decreta praesentia, ac omnia, & singula in eis contenta, & expressa, auctoritate Apostolica tenore praesentium approbamus, & confirmamus, illisque inviolabilis Apostolicae firmitatis robor adjicimus, ac omnes, & singulos Juris, & facti defectus, si qui desuper quomodolibet intervenerint, supplemus.

§. 3. Decernentes easdem praesentes Litteras semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & pro tempore quandocumque spectabit in omnibus, & per omnia plenissime suffragari, & ab eis respective inviolabiliter observari. Sicque in praemissis per quoscumque Judices Ordinarios, & Delegatos, etiam Caesarum Palatii Apostolici Auditores, judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 4. Non obstantibus praemissis, ac Confi-

tutionibus, & Ordinationibus Apostolicis, ceterisque contrariis quibuscumque.

§. 5. Volumus autem, ut earumdem praesentium litterarum transumptis, seu exemplis, etiam impressis, manu alicujus Notarii publici subscriptis, & sigillo personae in Ecclesiastica dignitate constitutae munitis, eadem prorsus fides ubique locorum tam in Judicio, quam extra illud habeatur, quae ipsis praesentibus haberetur, si forent exhibitae, vel offensa.

Datum Romae apud S. Mariam Majorem sub Annulo Piscis die V. Octobris MDCXCVI. Pontificatus Nostri Anno Sexto.

Dismembrantur plures Provinciae Regni Sinarum a Diocesis Pekinen., & Nankinen., &que committuntur Vicariis Apostolicis.

LXXXI.

Ab Alex. VIII. instituti suere Episcopatus Pekinen. & Nankinen. Const. ed. 1690. Apr. 10. P. 1. Hujus Pontificis Const. ed. 1695. Maji 16. P. 3. extat dismembratio a Diocesi Nemasen. Et Bened. XIII. Const. ed. 1725. Maji 23. P. 1. Ecclesia Eugubina subjicitur Urbinaten. De auctoritate Vicariorum in Anglia vide Const. praecedentem. Et de illa Vicariorum in Oriente vide sequentem.

INNOCENTIUS PAPA XII.

Dat. 15. Oct. 1696. An. 6.

Ad perpetuam rei memoriam.

Sublimi Sedis Apostolicae specula, in qua Catholicae Ecclesiae per Univerfum Orbem diffusa regimini, meritis licet, & viribus longe impares, divina dignatione, praesidemus, mentis Nostrae oculis per quascumque agri Dominici partes jugiter circumferentes, ad ea, quae Ecclesiarum quarumlibet, praesertim Cathedralium in remotissimis ab eadem Sede regionibus erectarum statum concernunt, pastoralis vigilantiae Nostrae studia libenter convertimur; atque ut ibidem Christiana Religio feliciter in dies, aspirante superni favoris auxilio, stabilietur, & crescat, concessa Nobis a Domino potestatis partes, propensa charitate interponimus, sicut, omnibus mature consideratis, ad Omnipotentis Dei gloriam, ac Animarum salutem arbitramur in Domino expedire.

Exordium.

§. 1. Alias siquidem fel. rec. Alexander Papa VIII. praedecessor Noster, certis tunc expressis causis adductus, ac praesertim provide considerans in amplissimo Regno Sinarum, in quo Catholicam fidem latius in dies propagari acceperat, unam dumtaxat Cathedralium Ecclesiam, nempe Machaonen. quae de Jure patronatus Charissimi in Christo filii Nostri Petri Portugalliae & Algarbiorum Regis Illustris ex fundatione, vel dotatione, seu privilegio Apostolico, cui non inveniebatur eatenus in aliquo derogarum esse dignoscatur, reperiri, adeoque illius Episcopum singularum omnium cultus inspicere, aliasve boni Pastoris partes implere minime posse, supplicationibus ejusdem Petri Regis nomine sibi super hoc humiliter porrectis inclinatus, Oppida de Pekim, & de Nankim respective nuncupata in eodem Regno existentia ab ordinaria Jurisdictione tunc, & pro tempore existentis Episcopi Machaonen., auctoritate Apostolica, perpetuo segregavit, divisit, separavit, & dismembravit, illaque in Civitates, quae de Pekim, & de Nankim respective denominarentur, & in eis Ecclesias Beatissimae Virginis Mariae utrobique dicatas in Cathedralium Ecclesias sub invocatione ejusdem Beatissimae Virginis pro duobus Episcopis, uno scilicet Pekinensi, altero vero Nankinensi respective nuncupandis, qui illis praesent, ac Ecclesias ipsas ad formam Cathedra-

Referuntur erectiones duorum Episcopatum Pekinen. & Nankinen.

dralium

dralium Ecclesiarum redigi facerent sub certis modo, & forma tunc expressis similiter perpetuo erexit, & instituit; Ac eisdem sic erectis, & institutis Ecclesiis Oppida supradicta in Civitates, sicut pramittitur, erecta pro Civitatibus; alia vero Oppida, Castra, Villas, Territoria, & districtus Diocesis Machoanen., juxta divisionem per dictum Petrum Regem, vel per Machoanen, ac Pekinen., & Nankinen. Episcopos de ipsius Petri Regis commissione inter se faciendam, pro Diocesis itidem perpetuo concessit, & assignavit. Porro mensis Episcopalis dictarum Ecclesiarum de Pekim, & Nankim pro cujuslibet earum dote redditus annuos quingentorum Cruciatorum moneta Portugalliae quadringentos Ducatos auri de Camera constituentium per eundem Petrum Regem assignandos, ex tunc prout postquam assignati fuissent similiter perpetuo applicavit, & appropriavit; Ac insuper eidem Petro, & pro tempore existentibus Portugalliae, & Algarbiorum Regibus Juspatronatus, seu praesentandi sibi, & Romano Pontifici pro tempore existenti ad Ecclesias de Pekim, & Nankim praedictas tam ea prima vice, quam quoties illas deinceps etiam apud Sedem praefatam vacare contigisset, intra annum ob Locorum distantiam tam inde, quam a die cujuscumque vacationis hujusmodi respective computandum personas secundum Sacrorum Canonum, & Concilii Tridentini Decretorum dispositionem idoneas iisdem Ecclesiis per ipsum Alexandrum Praedecessorem, & pro tempore existentem Romanum Pontificem ad praesentationem hujusmodi praeficiendas pariter perpetuo reservavit, & concessit, & alias prout in binis ejusdem Alexandri Praedecessoris Literis desuper sub Plumbo Quarto Idus Aprilis Anni Incarnationis Dominicae 1690. expeditis quarum tenores praesentibus pro plene, & sufficienter expressis, & insertis haberi volumus, uberius continetur. Subinde vero postquam dictus Alexander Praedecessor Ecclesiis de Pekim, & de Nankim supradictis de personis sibi, & tunc existentibus S. R. E. Cardinalibus ob suorum exigentiam meritorum acceptis, & quas memoratus Petrus Rex ei ad hoc per suas Literas praesentaverat, de eorumdem Cardinalium consilio, auctoritate Apostolica providerat, illasque Ecclesiis in Episcopos praefecerat, & Pastores curam, regimen, & administrationem ipsarum Ecclesiarum de Pekim, & de Nankim eis in spiritualibus, & temporalibus plenarie committendo facta, sicut accepimus, per ipsum Petrum Regem vigore facultatis sibi ab eodem Alexandro Praedecessore, ut praefertur, attributa divisione supradicta de Pekim, Xantung, & Leotung, necnon Xansi, Nonan. Xensi, & Juchuen cum Insulis, & Terris adjacentibus Pekinensi; de Nankim vero, Chikiang, Fokien, Kiangsi, Huguang, Queichen, Junaum Provinciae dicti Regni Sinarum cum Insulis itidem adjacentibus Nankinensi respective Episcopis praedictis pro cujuslibet eorum Diocesi praemisso, seu forsan alio veriori, quem iisdem praesentibus pro expresso haberi similiter volumus, modo praefinita, assignata remanserunt.

§. 2. Cum autem, sicut, non sine maxima animi Nostri consolatione, pariter accepimus, strenua, ac laudabili Evangelicorum Ministrorum ab eadem Sede missorum opera (Deo pios illorum conatus, ac labores juvante) uberiores quotidie in illis partibus animarum fructus in horrea Dominica afferantur, novique Ecclesiae Catholicae palmites in dies crescant, ac proinde memorati Pekinen. & Nankinen. Episcopi Pastoralis muneris exequendo in tot, tantisque, ac tam amplis sibi creditis regionibus prorsus impares reputarentur, optandumque sit pro magnitudine Messis Operariorum copiam suppetere, qui non modo eos, qui relictis erroribus, Chri-

stianam veritatem agnoverunt, sana, fidelique doctrina instituere, ac tanquam teneras in vinea Domini plantas alere, ac fovere, sed & alios, qui adhuc in tenebris ambulat, ad verum Omnipotentis Dei cultum convertere studeant: Hinc est quod Nos Misericordiarum Patri, & Deo totius consolationis gratias agere non desinentes, qui inter gravissimas, & multiplices curas, quas in hisce perturbatissimis Christianae Republicae temporibus pro commisso Nobis divinitus Apostolicae Servitutis Officio assidue sustinemus, ubi ibi saltem in longinquioribus Orbis Terrarum partibus Orthodoxae Religionis incrementis Nos consolari dignatur; Et quia tam iis, qui longe, quam illis, qui prope sunt, debitores sumus, maximum salutis animarum negotium quas tanto marium, Terrarumque spatio disjunctas paternae charitatis vinculum Nobis conjungit, sollicitis studiis juvare, ac promovere, necnon Christianae Religionis, & Catholicae fidei in partibus praedictis solidiori stabilimento, latiorique propagationi, quantum Nobis ex alto conceditur, prospicere cupientes, habita super praemissis cum particulari Congregatione Venerabilium Fratrum Nostrorum S. R. E. Cardinalium negotiis Propagandae Fidei praepositorum, qui jura omnia desuper etiam pro parte supradicti Petri Regis deducta diu, ac diligenter discussurunt, deliberatione matura, de illorum consilio, & assensu, ac etiam motu proprio, ac certa scientia, & matura deliberatione Nostri, deque Apostolicae potestatis plenitudine, supradictas omnes Provincias Regni Sinarum memoratis Pekinensi, & Nankinensi Episcopis pro eorum Diocesis, sicut pramittitur, assignatas (exceptis dumtaxat de Pekim, ac Xantung, & Levantug, quas Pekinensi, necnon de Nankim, & Nonan. quas Nankinensi Episcopis supradictis pro cujuslibet eorum respective Diocesi reservamus, & quatenus opus sit, eis, & eorum cuilibet harum serie assignamus) a praedictis Pekinensi, & Nankinensi respective Diocesis tenore praesentium perpetuo separamus, & dismembramus, illasque, ac earum Clerum & Populum ab omni, & quacumque Venerabilium Fratrum modernorum, & pro tempore existentium Pekinen., & Nankinen. Episcoporum Jurisdictione, superioritate, potestate, correctione, visitatione, regimine, cura, & gubernio itidem perpetuo eximimus, & plenarie liberamus. Ceterum ipsas Provincias sic separatas, & liberatas, donec spiritualibus illarum indigentis per erectionem novorum Episcopatum ab hac Sancta Sede provideatur, cura, & administrationi Vicariorum Apostolicorum a Nobis, & Sede praefata pro tempore deputandorum, qui omnes, & singulas facultates, quae Vicariis Apostolicis in eisdem partibus Sinarum antehac a dicta Sede deputatis per diversas rec. me. Alexandri VII., Clem. IX., Clem. X., & Innocentii XI. Romanorum Pontificum Praedecessorum Nostrorum Literas, seu alias ab ipsa Sede concessae, & attributae fuerunt, in suis quisque sibi assignandis Provinciis exercere possint, & debeant committendas esse motu, scientia, deliberatione, & potestatis plenitudine paribus harum serie decernimus, & ordinamus; Districte propterea inhibentes tam supradictis de Pekinen., & Nankinen. Episcopis, quam aliis omnibus, & singulis Venerabilibus Fratribus Primatibus, Archiepiscopis, & Episcopis, & aliis Indiarum, ceterarumque partium Orientalium Ordinariis, seu eorum Officialibus, vel Vicariis in Spiritualibus Generalibus, aliisque Ministris quibuscumque, ne sub quovis praetextu, colore, causa, vel occasione, aut vigore cujuscumque privilegii, vel Indulti a Sede praedicta emanati ullum in posterum Jurisdictionis actum in earumdem sic separatarum, ac dismembratarum, necnon exemptarum, & liberatarum

Eorum Dioceses describuntur.

Causa dismembrationis.

Dismembratio plurium Provinciarum motu proprio facta.

Item commissio ad Provinciarum Vicariis Apostolicis facta.

Interdicitur aliis Ordinariis jurisdictione in praed. Provinciis.



Clausulz.

Provinciarum districtibus exercere audeant quovis modo vel præsumant.

§. 3. Ac decernentes easdem præsentibus Literas, & in eis contenta quæcumque, etiam ex eo, quod præfati, & alii quicumque in præmissis interesse habentes, seu habere quomodolibet prætendentes, cuiusvis status, gradus, Ordinis, præminentia, & Dignitatis existant, seu alias specifica, & individua mentione, & expressione digni illis non consenserint, seu ad ea vocati, citati, & auditi, causæque propter quas præsentibus emanarint sufficienter adductæ, verificate, & iustificatæ non fuerint, aut ex alia qualibet, etiam quantumvis juridica, & privilegiata causa, colore, prætextu, & capite, etiam in corpore Juris clauso, etiam enormis, enormissimæ, & totalis læsionis nullo unquam tempore de subreptionis, vel obreptionis, aut nullitatis vitio, aut intentionis Nostræ, vel interesse habentium consensus, aliove quolibet etiam quantumvis magno, & substantiali, ac incogitato, & incogitabili, individuaque expressionem requirente defectu notari, impugnari, infringi, retractari, in controversiam vocari, aut ad terminos Juris reduci, seu adversus illas aperiitionis oris, restitutionis in integrum, aliudve quodcumque Juris, facti, vel gratiæ remedium intentari, vel impetrari, aut impetrato, seu etiam motu, scientia, & potestatis plenitudine paribus concessio, vel emanato quempiam in Judicio, vel extra illud uti, seu se jurare ullo modo posse, sed ipsas præsentibus Literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & pro tempore quodcumque spectabit inviolabiliter, & inconcusse observari: Sicque, & non aliter in præmissis per quoscumque Judices Ordinarios, & Delegatos, etiam Causarum Palatii Apostolici Auditores, ac S. R. E. prædictæ Cardinales, etiam de Latere Legatos, & Sedis Apostolicæ prædictæ Nuncios, aliove quoslibet quacumque præminentia, & potestate fungentes, & futuros, sublata eis, & eorum cuilibet quavis aliter judicandi, & interpretandi facultate, & auctoritate judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 4. Non obstantibus præmissis, ac de jure quæsito non tollendo, cæterisque Nostris, & Cancellariæ Apostolicæ Regulis, aliisque Apostolicis, ac in universalibus, provincialibusque, & Synodalibus Conciliis editis Generalibus, vel specialibus Constitutionibus, & Ordinationibus, necnon præfatarum de Pekim, & de Nankim, ac aliarum quarumcumque Ecclesiarum, etiam Metropolitanarum, & Primatialium, aliisque quibusvis, etiam juramento, confirmatione Apostolica, vel quavis firmitate alia roboratis statutis, & consuetudinibus, etiam memorabilibus, privilegiis quoque indultis, & Literis Apostolicis eidem Ecclesiis, illarumque Præsulibus, Capitulis, personis, aliisque quibuslibet, etiam speciali nota dignis, & de necessitate juris, vel facti omnino exprimentis, sub quibuscumque verborum tenoribus, & formis, & cum quibusvis etiam derogatoriis derogatoriis, aliisque efficacioribus, efficacissimis, & insolitis clausulis, irritantibusque, & aliis Decretis, etiam motu, scientia, & potestatis plenitudine paribus, etiam consistorialiter, seu ad quascumque personarum, etiam Regia, aut Archiepiscopali, & Primatiali, aliave qualibet Ecclesiastica, vel mundana Dignitate, & potestate fulgentium instantiam, aut earum contemplatione, seu alias quomodolibet in genere, vel in specie in contrarium præmissorum concessis, ac pluries, & quantiscumque vicibus confirmatis, approbatis, & innovatis. Quibus omnibus, & singulis, etiam si pro illorum suffi-

cienti derogatione de illis, eorumque totis tenoribus specialis, specifica, expressa, individua, ac de verbo ad verbum, non autem per clausulas generales idem importantes mentio, seu quævis alia expressio habenda, aut aliqua alia exquisita forma ad hoc servanda foret, tenores hujusmodi præsentibus pro plene, & sufficienter expressis, ac de verbo ad verbum insertis habentes, illis alias in suo robore permanens, ad præmissorum effectum hac vice dumtaxat specialiter, & expresse derogamus, ac derogatum esse volumus, cæterisque contrariis quibuscumque.

§. 5. Volumus autem, ut earumdem præsentium Literarum transumptis, seu exemplis, etiam impressis manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides tam in Judicio, quam extra illud ubique locorum habeatur, quæ haberetur ipsis præsentibus, si forent exhibitæ, vel ostensæ.

Datum Romæ apud S. Mariam Majorem sub Annulo Piscator. die XX. Octob. MDCXCVI. Pontificatus Nostri Anno Sexto.

Præcipitur Archiepiscopo Goan., & Episcopis Machaonen., & Malacen., ut executioni mandent Constitutionem Clem. X. circa jurisdictionem Vicariorum Apostolicorum in Oriente.

Laudata Constitutio ed. fuit 1674. Jun. 7. De Jurisdictione Vicariorum in Regno Sinarum vide Const. præcedentem. Et de illa Vicariorum in Regno Tunkini vide sequentem.

INNOCENTIUS PAPA XII.

Ad futuram rei memoriam.

Cum, sicut ad Nostri pervenit Apostolatus Gaudium, licet felic. record. Clemens Papa X. Prædecessor Noster per quasdam suas in simili formæ Brevis Literas, quarum initium est: *Christiana Religionis, Catholicaque fidei propagationis Opus &c.* die 7. Junii 1674. de particularis Congregationis tunc existentium S. R. E. Cardinalium negotiis Propagandæ fidei præpositorum super rebus Sinarum deputatæ consilio emanatas, auctoritate Apostolica declaraverit, Episcopos Indiarum, aliarumque partium Orientis, eorumque Ministros, & Officiales non posse, nec debere exercere actus Jurisdictionales super Vicarios Apostolicos ad Regna, seu Provincias Orientis pro Religione, & fidei hujusmodi propagatione ab hac Sancta Sede Apostolica missos (quippe ejusdem Sanctæ Sedis Delegatos) eorumque Operarios in Provinciis sibi assignatis; sed iisdem Vicariis Apostolicis dictæ Sedis Delegatis in prædictis Provinciis jurisdictionem privative quoad omnes competere, donec aliter fuisset a Congregatione eorumdem Cardinalium declaratum; Ac contravenientes eo ipso in penas Excommunicationis, & indignationis Romani Pontificis incurrisse censi decrevit, & alias, prout in eisdem Literis, quarum tenorem præsentibus pro plene, & sufficienter expresso, ac de verbo ad verbum inserto haberi volumus, uberius continetur. Nihilominus novissime Venerabiles Fratres moderni, seu tunc existentes Archiepiscopus Goan., necnon Machaonen. & Malacen. Episcopi, sive potius illorum Ministri, & Officiales causati forsitan, licet erronee, a memorata Congregatione Cardinalium aliter fuisse declaratum, ac proinde præfatas Literas non esse amplius executioni demandandas, sive aliis sub prætextibus Venerabilium pariter Fratrum Episcoporum Vicariorum Apostolicorum in Regnis Siami, Cocincinæ, de Sciampa, Cambogia, aliis-

LXXII.

Dat. 22. Oct.
1696. An. 6.

A Clem. X. declaratum fuit dd. Vicarios habere jurisdictionem in suis Provinciis, & contradicere incurrere certas penas.

Prædd. Ordinarii perturbabant jurisdictionem Vicariorum in Regnis Siami, Cocincinæ, de Sciampa, Cambogia, aliisque.

que